



MARKAÐURINN

Sögurnar... tölurnar... fólkíð...

Græna prentsmiðjan
 GUDJÓNÓ
 VISTVÆN PRENTSMÍÐJA
 Sími 511 1234 • www.gudjono.is

Miðvikudagur 3. júní 2009 – 22. tölublað – 5. árgangur

Veffang: visir.is – Sími: 512 5000 **visir**

Vikulegu vefráðin
 Leitið og þér munuð finna?



Skuggabankastjórnin
 Vill 2,5 prósentu lækkun stýrivaxta



Orð í belg
 Leitir að nýjum seðlabankastjóra



Exista í vanskilum

Exista greiddi ekki af skuldabréfi upp á um átta milljarða króna sem var á gjalddaga á föstudag. Lánið, sem var til tveggja ára, var tekið í maílok 2007.

Viðræður hafa staðið yfir í rúma viku milli stjórnenda Existu og kröfuhafa um önnur lán, svo sem 500 milljóna evra sambankalán sem félagið tók í ágúst fyrir tveimur árum. Þá stóð það í 43 milljörðum króna en er í dag tvöfalt hærra í krónum talið.

Heildarskuldur Existu nema um einum milljarði evra, um 200 milljörðum íslenskra króna.

Í tilkynningu sem Exista sendi frá sér um nýliðna helgi er vísað til viðræðna við lánardrottina, handahafa skráðra skuldabréfa og víxla félagsins um frestun afborgana og vaxtagreiðslna sem koma til gjalddaga meðan á viðræðum stendur við innlendar og erlendar fjármálastofnanir um endurskoðun lánasamninga og uppgjör gagnkvæmra krafna. Í samræmi við það muni félagið ekki greiða afborgun af skuldabréfum EXISTA 07 2, sem voru á gjalddaga á föstudag í síðustu viku. - jab

Ryanair tapar

Írská lággjaldflugfélagið Ryanair tapaði 169 milljónum evra, jafnvirði 29 milljarða króna, á síðasta ári. Þetta er í fyrsta skiptið frá stofnun flugfélagsins fyrir tuttugu árum sem það skilar tapi. Árið áður nam hagnaður 391 milljón evra.

Ólíuverð, sem hækkaði um 59 prósentu á milli ára, kom harkalega niður á rekstri félagsins, auk þess sem færa þurfti niður tæplega þrjátíu prósentu eignahlut í írská flugfélaginu Aer Lingus. Niðurfærslan nam 222 milljón evra. Hefði niðurfærsla ekki komið til hefði Ryanair hagnast um 105 milljónir evra. - jab

HELST Í ÚTLÖNDUM

Risagjalddrot | Gjaldprot bandaríska bílaframleiðandans General Motors um helgina er það þriðja umfangsmesta í bandarískri fyrirtækjasögu. Aðeins fall fjárfestingabankans Lehman Brothers í september í fyrra og fjarskiptarisans WorldCom í júlí 2002 voru stærri.



Ólokin mál | Enron-málinu virðist seint ætla að ljúka en á mánudag játaði einn af framkvæmdastjórum dótturfyrirtækis risasamsteypunnar fyrrverandi að hann hefði falsað bókhaldsgögn og fleira tengt rekstrinum. Hann á yfir höfði sér eins árs stofufangelsi.

Kreppa í Sviss | Hagvöxtur dróst saman um 0,8 prósent á fyrstu þremur mánuðum ársins í Sviss. Þetta er annar fjórðungurinn í röð sem hagkerfið skreppur saman. Mestu munar um miklar afskriftir banka og fjármálafyrirtækja, sem eru ein af burðarstöðum efnahagslífsins í Sviss.

Skortur í Rússlandi | Rússneska banka vantar mikið fé til að komast óskaddaðir í gegnum fjármálakreppuna. Þetta segir alþjóðlega matsfyrirtækið Moody's, sem bætir við að efnahagskreppan hafi höggvið svo stór skörð í rússneskt efnahagslíf að bankarnir verði að afskrifa allt að ellefu prósent útlána sinna.

Litli-Straumur rís úr rústum Straums

Vilji er fyrir því að kröfuhafar taki yfir starfsemi Straums. Stefnt er að því að bankinn sýsli með eignir protabúsins.

Jón Aðalsteinn Bergsveinsson
 skrifar

Vilji er fyrir því hjá meirihluta kröfuhafa Straums og innan stjórnar fjárfestingarbankans að færa hlutafé núverandi hluthafa niður í ekki neitt og munu kröfuhafar taka bankann yfir. Af þessu gæti orðið síðsumars.

Meirihluti kröfuhafa Straums eru erlendir auk íslenskra lífeyrissjóða.

Kröfuhafafundur Straums verður haldinn á föstudag og þar verða kynntar áætlanir stjórnar bankans um fjárhagslega endurskipulagningu hans. Markaðurinn hefur heimildir fyrir því að stefnt sé að því að endurvekja fjárfestingarbankastarfsemi Straums, sem muni takmarkast við ráðgjöf og miðlun. Þá verður eignastýringarviðið endurvakið í breyttri mynd. Það mun bæði höndla með þær eignir sem liggja í protabúni hans og þær eignir sem hann hefur tekið til sín með veðkalli og með öðrum hætti. Horft mun vera til þess að með þessum hætti tækist að hámarka virði eigna Straums.

Óttar Pálsson, forstjóri Straums, vildi ekkert láta hafa eftir sér þegar eftir því var leitað í gær.

Skilanefnd á vegum Fjármálaeftirlitsins greip inn í rekstur Straums í byrjun mars eftir að bankinn tilkynnti að vegna mikils ústreymis af innlánsreikningum gæti hann ekki staðið við skuldbindingar sínar.

Björgólfur Thor Björgólfsson, fyrrverandi stjórnarformaður Straums, og faðir hans Björgólfur Guðmundsson, eru enn skráðir fyrir rúnum 34 prósentu hlut í Straumi í gegnum Samson Global Holdings.

Straumur er talsvert minni í sniðum nú en áður en skilanefnd greip inn í reksturinn. Starfsemi hans erlendis hefur að mestu verið seld og hafa hlutabréf bankans verið tekin úr viðskiptum í Kauphöllinni. Þá hefur meirihluta starfsfólks verið sagt upp.

Líkt og fram kom í tilkynningu bankans í gær er vinnu við uppgjör bankans á síðasta ári enn ólokið og mun hann því ekki birta ársreikning sinn. Straumur er tólfthá fyrirtækið sem er með skráð skuldabréf í Kauphöllinni sem frestað hefur birtingu ársuppgjörinsins. - ók

Hertar reglur veikja gengið erlendis

Gengi krónunnar hefur veikt á aflandsmarkaði (utan landsteinanna) þótt það hafi styrkst hér innanlands síðustu daga. Þetta kemur fram í Hagsjá, nýju daglegu vefriti hagfræðideildar Landsbankans.

Þar kemur fram að síðustu tíu daga hafi evran lækkað úr 177,4 krónum í 171,6 krónur, eða sem nemur 3,3 prósentum. Engin velta hafi hins vegar verið á innlendum gjaldeyrismarkaði í gær og því hafi gengið nánast staðið í stað frá því fyrir helgi. „Aflandsgengi (e. Off-shore)

krónu hefur aftur á móti farið hækkandi undanfarið og má að einhverju leyti rekja veikinguna til þess að markaðsaðilar telja að Seðlabankinn hafi verið að herða á reglum sínum um gjaldeyriskaup með birtingu á minnisblaði dagsettu 28. maí síðastliðinn,“ segir í Hagsjá.

Í minnisblaðinu eru tilmæli til fjármálastofnana um framkvæmd og sölu gjaldeyris og hnykkta á þeim skilningi Seðlabankans að ekki sé unnt að skipta tilteknum vaxtagreiðslum yfir í erlendan gjaldeyri. Þar á meðal

eru vextir af erlendum skuldabréfum sem gefin eru út af erlendum aðilum í krónum (svo nefndum jöklabréfum), vextir af krónureikningum hjá erlendum fjármálafyrirtækjum, og vextir af hvers kyns fjármálagerningum sem gefnir eru út af erlendum aðilum. „Þetta virðist vera strangari túlkun en markaðsaðilar höfðu áður gert ráð fyrir og því er ekki óeðlilegt að bilið á milli innanlands- og aflands-gengis aukist,“ segir hagfræðideild Landsbankans í nýju vefriti sínu. - ók

Barnagleraugu frá
LINDBERG

3ja ára ábyrgð!

Optical Studio
 SMÁRALIND • LEIFSSTÖÐ • KEFLAVÍK



GENGISPRÓUN

	Vika	Frá áramótum
Alfesca	23,5%	0,0%
Bakkavör	7,6%	-54,6%
Eimskipafélagið	0,0%	-20,0%
Føroya Bank	-0,8%	-1,7%
Icelandair	2,2%	-65,4%
Marel	1,8%	-19,0%
Össur	2,4%	6,8%

Úrvalsvísitalan OMXI15 267
Úrvalsvísitalan OMXI6 733

*Miðað við gengi í Kauphöll í gær.

Gengið gæti styrkst um 30 prósent á einu ári

„Þótt staðan á Íslandi sé einsdæmi og afar slæm, eru til lausnir til endurreisnar,“ segir Baldur Pétursson, aðstoðarfrankvæmdastjóri Endurreisnar- og þróunarbanka Evrópu (EBRD).

„Núverandi vandi er hins vegar svo stór að við hann verður ekki ráðið nema með stóru auknu samstarfi við alþjóðasamfélagið. Með umsókn um aðild að Evrópusambandinu, líkt og stjórnvöld stefna að, megi byggja upp traust og trúverðugleika sem sé forsenda fyrir aðgengi að alþjóðlegu fjármagni.“ Umsókn segir Baldur jafnframt nauðsynlega til að forða frá enn

meira hruni, þótt hún nægi ekki ein og sér. „Samhliða verður að hefja samstarf við Seðlabanka Evrópu um aðgerðir til að tryggja styrkingu krónunnar og gengisstöðugleika. Slíkt samstarf myndi byggja bæði á umsókn um aðild að ESB sem og EES-samningnum.“

Baldur segir að með samstarfi við Seðlabanka Evrópu mætti tryggja gengishækkun krónunnar og varða leiðina út úr gjaldeyriskreppunni. „Slíkum samningum við Seðlabanka Evrópu ætti að vera hægt að ná á tilförluga skömmum tíma miðað við skyldur samningsaðila innan EES-



BALDUR PÉTURSSON

ná þeirri stöðu sem var í upphafi 2008 og ná gengisvísitölunni í 140. Slíkt verkefni má ekki taka lengri tíma en eitt ár.“ Baldur segir vísitöluna 140 vera langtímaþjáfnvægis-

sammingsins,“ segir hann og telur að með samstarfinu væri hægt að styrkja gengi krónunnar um nálægt því 30 prósent. „Þannig að eftir um rúmt ár væri hægt að

stöðu krónunnar og þá stöðu sem við verði að miða við endurreisn bankanna. „Þetta er afar mikilvægt atriði ef nýir bankar eiga að hafa möguleika til lengri tíma.“

Stöðuna hér á Íslandi, sem orðið hafi fyrir meira efnahagsfalli en nokkurt annað ríki í fjármála-kreppunni, segir Baldur hins vegar vera þannig að ekkert megi fara úrskæðis, eða tefja á leiðinni til endurreisnar.

Baldur var hér á landi í síðustu viku til að kynna starfsemi EBRD og fjárfestingarkosti á starfssvæði bankans í Austur-Evrópu og Asíu.

- óká

Höfðu ekki áhuga á SPRON

„Við skoðuðum SPRON en höfðum ekki áhuga á að kaupa netbanka og húsgögn,“ segir Janus Pedersen, forstjóri Føroya Banka. Hann segir fréttatflutning af meintum áhuga bankans á SPRON byggðan á veikum grunni.

Pedersen, sem í gær kynnti starfsemi bankans á fjárfestadegi færeysku félaganna í Kauphöllinni, segir Føroya Banka hafa kannað kostina við kaup á SPRON skömmu eftir að Fjármálaeftirlitið tók starfsemi hans yfir seint í mars síðastliðnum. „Þegar í ljós kom að innlán höfðu verið færð til Nýja-Kaupþings var lítið eftir. Við höfðum ekki áhuga á því,“ segir Pedersen.

Føroya Banki hefur frekari



JANUS PEDERSEN Forstjóri Føroya Banka, hér fremstur, segir framtíðarvæðingina í Skandinavíu.

tilraunir til landnáms hér ekki á dagskrá á næstunni. Frekar verði horft til Danmerkur – bankinn er með útibú í Kaupmannahöfn – og Noregs. Ástæðuna segir Pedersen

þá að hlutur sjávarútvegs vegi þar þungt líkt og í Færeyjum og liggja innan sérhæfingar bankans. Ekki er horft til fleiri Evrópulanda, að hans sögn.

- jab

Kröfuhafar skoða gögn

Vonir standa til að ljúka megi við skil gömlu og nýju bankanna eftir mánuð. Næsta skref er viðræður við kröfuhafa.

Óli Kristján Ármannsson
skrifar

Kröfuhafar gömlu bankanna fara þessa dagana yfir gögn áður en formlega hefjast viðræður um endanleg skil á milli gömlu bankanna og þeirra nýju. Meðal þess sem verið er að kynna þeim eru viðskiptaáætlanir fyrir nýju bankana og verðmat Deloitte á eignum bankanna.

Önnur gögn sem liggja þurfi fyrir áður en endanleg skipti milli nýju og gömlu bankanna fara fram eru endurskoðaðir reikningar bankanna miðað við síðustu áramót og endurskoðun reikninga fyrstu þrjú mánuði þessa árs. Þá kemur fram í nýlegri uppfærslu skilaneftir Kaupþings á stöðuskýrslu til kröfuhafa að finna þurfi lausn á gengisójöfnuði eftir eignatilfærslur milli gömlu og nýju bankanna.

„Tímasetning formlegra viðræðna við kröfuhafana hefur ekki verið sett niður, en það er svona nánast næsta skref,“ segir Gylfi

Magnússon viðskiptaráðherra, en gefur þó ekki nákvæmari tímasetningu en núna í

vor, eða snemma sumars.

Gylfi segir þó að ýmsu að hyggja, því þótt Deloitte hafi skilað af sér mati á verðmætum bankanna þá hlauti það mat á ákveðnu bili. „Kröfuhafarnir eiga eftir að fara yfir þetta og svo þarf að setjast niður með þeim og finna út úr því hvar á þessu bili, eða jafnvel utan þess, endanleg niðurstaða verður.“

Samkvæmt heimildum blaðsins standa vonir til þess að hægt verði að ljúka uppgjöri milli gömlu og nýju bankanna eftir mánuð eða svo. Fjármálaeftirlitið (FME) gaf um miðjan mánuðinn frest til þess að ljúka skilunum, þótt ekki lægi fyrir hversu langur fresturinn þyrfti að vera. Ákvörðun um lengd frestsins á að liggja fyrir hjá FME um miðjan þennan mánuð.

Gangi eftir að lokið verði við skil nýju og gömlu bankanna um næstu mánaðamót, er það um fjögurra mánaða dráttur frá upphaflegri áætlun eins og hún var sett fram í samkomulagi ríkisstjórnarinnar og AGS.

BANKARNIR
FRÉTTABLAÐIÐ/SAMSETT MYND



Rafrænar dagbækur Trackwell í Færeyjum

„Við ætlum að prufukeyra rafrænu afladagbækurnar í fjórum skipum í Færeyjum í sumar en vonumst til að þær verði settar upp í öllum færeyska fiskiskipafлотanum,“ segir Steingrímur Gunnarsson, sölustjóri hugbúnaðarfyrirtækisins Trackwell.

Færeyski flotinn telur áttatíu skip.

Í síðasta mánuði var undirritaður samningur milli fyrirtækisins og Føroya Reiðarafelag (Landsamtaka færeyskra útgerðarmanna) um afhendingu á rafrænum afladagbókum um borð í færeyskum fiskiskipum.

Færeyingar hafa unnið að uppbyggingu miðlægs gagnagrunns sem heldur utan um skráningar um fiskafurðir allt frá veiðum til vinnslu og sölu afurða og eru gögn úr afladagbókum Trackwell fyrsti hlekkur keðjunnar.

Ákveðið var að ganga til samstarfs við Trackwell vegna reynslu fyrirtækisins í svipuðum verkefnum, en hugbúnaður frá Trackwell er meðal annars notaður í rafrænar afladagbækur íslenskra fiskiskipa og um næstu áramót eiga öll skip stærri en fimmtán brúttólestir að hafa tekið upp slíkan búnað.

- jab



Viltu selja í erlendum gjaldmiðli?



Við bjóðum veflausnir og posa í erlendum gjaldmiðlum!

Þú getur selt erlendum ferðamönnum vörur og þjónustu í erlendum gjaldmiðlum* og færð þá gert upp í sama gjaldmiðli.

*EUR, GBP, USD og DKK

Hafðu samband í síma
525 2080
og kynntu þér málið



VALITOR

–Virk miðlun verðmæta

FYRIRTÆKJALAUSNIR VALITOR • Laugavegi 77 • 101 Reykjavík • Sími: 525 2080
fyrirt@valitor.is • www.valitor.is

Flott í sumar



Áratuga reynsla og rannsóknir sýna að Slendertone virkar

KORTER - ljóm - Jón Pall Víðheimsson



System belti fyrir kviðvöðva
dömu og herra
kr. 29.900,-



Flex Max belti fyrir
kviðvöðva dömu og herra
kr. 24.900,-

Flex belti fyrir kviðvöðva
dömu og herra
kr. 19.950,-

System dömu / herrapakki - belti + armar kr. 36.900,-
System dömupakki - belti + buxur kr. 39.900,-
System dömupakki - belti + buxur + armar kr. 46.900,-

20 mínútur með Slendertone belti jafngildir 120 uppsetum

allt fyrir kroppinn

HREYSTI

Skeifunni 19 - S. 568 1717

www.hreysti.is

Sama verð um land allt - frí heimsending
fyrir utan höfuðborgarsvæðið



SKUGGABANKASTJÓRNIN Ingólfur Bender, Ólafur Ísleifsson og Þórður Friðjónsson eru sammála um að sjónarmið Alþjóðagjaldeyrissjóðsins um að hér eigi að hægja á lækunarferli stýrivaxta stýrist af öðru en hagfræðilegum rökum. Allir telja þeir að halda eigi áfram á fremur brattri lækunarbraut og þótt þeir hafi komið til fundar hver með sína uppástunguna að lækkun deila þeir ekki um hálfa prósentu til eða frá.

MARKAÐURINN/VILHELM

Í ráðgjöf AGS er meiri

Skuggabankastjórn Markaðarins leggur til að stýrivextir Seðlabankans verði lækkaðir um 2,5 prósentustig á vaxtaákvörðunardegi bankans á morgun. Óli Kristján Ármannsson settist niður með þeim Ingólfi Bender, Ólafi Ísleifssyni og Þórði Friðjónssyni. Þeir telja að hagfræðileg rök sem fulltrúar Alþjóðagjaldeyrissjóðsins hafa haldið fram um að hægja beri á eða stöðva lækunarferli stýrivaxta haldi ekki vatni.

Peningastefnufnd Seðlabanka Íslands lýsti því yfir við síðustu ákvörðun sína um stýrivexti í maí-byrjun, þegar vextir voru lækkaðir um 2,5 prósentustig, í 13 prósent, að á næsta ákvörðunardegi yrði haldið áfram á svipaðri braut, með veglegri lækun. Stefnan sem þar var mörkuð er í samræmi við álit skuggabankastjórnar Markaðarins sem birt var deginum áður.

Síðan þetta var hafa fulltrúar Alþjóðagjaldeyrissjóðsins (AGS), fyrst Franek Rozwodowski, sendifulltrúi sjóðsins, með aðsetur hér á landi og svo fulltrúar sendinefndar AGS um málefni Íslands, lýst þeirri skoðun að frekari lækun stýrivaxta sé óráðleg að sinni. Vísað er til mikilvægis þess að stíga varlega til jarðar og huga vandlega að áhrifum ákvörðunarinnar á gengi krónunnar.

DEILA EKKI ÁHYGGJUM AGS

Skuggabankastjórn Markaðarins er hins vegar samröma í því áliti sínu að ekki beri að hverfa af braut stærri skrefa í ákvörðunum um lækun stýrivaxta. Samdóma álit stjórnarinnar að þessu sinni er að mæla með 2,5 prósentustiga lækun stýrivaxta, sem

pólitík en hagfræði

þá yrðu 10,5 prósent. Með því yrði heldur hægt á lækunarferlinu miðað við fyrra álit skuggabankastjórnarinnar, en þar ræður helst þróun efnahagsmála frá síðustu ákvörðun. Verðbólga er heldur hærrí en spár gerðu ráð fyrir og minna fer fyrir aðhaldi og stefnu í ríkisfjármálum en stefnt var að og uppi er ákveðin óvissa í kjaramálum.

Þórður Friðjónsson, forstjóri Kauphallarinnar, segir að þótt ákveðinn hrollur hafi farið um menn vegna verðbólguálagningarinnar í maí sé ástæðulaust að fara á taugum yfir henni. „Meðal annars eru notaðar vafasamar aðferðir við mælinguna, sérstaklega hvað húsnæðisverðið varðar,“ segir hann og telur ekki nokkurt vit í að taka inn í mælingu á húsnæðisverði makaskiptasamninga, enda liggja þar ekki annað á bak við en sýndarverð. „Mér finnst eindregið að við svona mælingar eigi bara að taka raunveruleg verð þar sem raunveruleg viðskipti liggja að baki.“ Öll skynsamleg hagræn rök styðji áfram við hratt vaxtalækunarferli, þótt aðeins megi hægja á því nú vegna óvissu sem sé uppi um áður nefnd atriði.

Skuggabankastjórnin deilir hins vegar ekki áhyggjum Alþjóðagjaldeyrissjóðsins af áhrifum vaxtaákvörðana á gengi krónunnar og telur raunar að tregða sjóðsins þegar kemur að stýrivaxtaákvörðunum sé til komin af öðrum ástæðum.

„Ég deili ekki áhyggjum Alþjóðagjaldeyrissjóðsins að vaxtalækun hafi neikvæð áhrif á krónuna. Í þeim efnum er nærtækt að benda á það lækunarferli sem Seðlabankinn hefur verið í og áhrif sem það hefur haft á krónuna hingað til,“ segir Ingólfur Bender, forstöðumaður Greiningar Glitnis.

Ólafur Ísleifsson, lektor við viðskipta-deild Háskólans í Reykjavík, segir jafnframt erfitt að koma auga á að gengi krónunnar ráðist af „neinum skynsamlegum

markaðslögmálum“ eða sambandi við stýrivexti og bendir á að peningastefnufnd Seðlabankans virðist hafa haft slík sjónarmið í huga á síðasta fundi sínum. „Sendinefnd Alþjóðagjaldeyrissjóðsins veltir upp þessu máli, en heldur því fram örökstutt að varast verði vaxtalækkanir vegna áhrifa á gengi.“

OFURVEXTIR YTA UNDIR VANTRÚ

Þá bendir Þórður Friðjónsson á að í raun sé hér ekkert rökrétt sambengi í vaxtarófinu og stýrivextir ekki í samræmi við aðra vexti, aukin heldur sem vextir hér séu miklu hærrí en í öðrum löndum, jafnvel þótt miðað sé við önnur hávaxtalönd. „Að mínu viti er vaxtasambengið með slíkum hætti að ekki á nokkurn hátt megi rökstyðja að við höldum vöxtum lítið breyttum eða hægjum á lækunarferlinu líkt og Alþjóðagjaldeyrissjóðurinn hefur rökstutt að undanfögnu.“

Þórður segist hins vegar þeirrar skoðunar að um sýndarrök sé að ræða hjá Alþjóðagjaldeyrissjóðnum. „Ég hef ekki trú á því að þeir sjái í raun svona skýrt sterkt sambengi á milli ofurvaxtanna hér og trausts á gengi krónunnar.“ Hann bendir á að þótt tína megi til áhrifaþætti í þá átt, svo sem um að útflytjendur kynnu að seinka greiðslum heim verði vextir lækkaðir um of, þá telji hann stýrivexti ekki áhrifaþátt þar. Á móti komi líka vaxtagreiðslur af reikningum útlendinga hér á landi. „Ég tel því í öllu þessu sambengi ekkert vit í þessum rökum og alls ekki víst í hvaða átt háir vextir virka,“ segir hann og telur að ofurvextir af því tagi sem hér eru séu fremur fallnir til þess að yta undir vantrú á efnahagsstjórninni en hitt.

Þórður telur því fremur liggja að baki hjá Alþjóðagjaldeyrissjóðnum að halda hér stjórnvöldum að verki með því að þrýsta á

um að vöxtum verði ekki breytt. „Stórt atriði í þeirra huga tel ég vera afgreiðsla ríkisfjármála til miðlungslangs tíma og í því máli vilji þeir sjá til botns eins og hægt sé. Síðan er hitt sem glögglega kom fram hjá sjóðnum að nokkurrar óþreyju gætir með nokkurrá mál. Þá sérstaklega að efnahagsreikningar bankanna séu ekki komnir fyrir horn.“

Skuggabankastjórnin er sammála um að varhugaverð stefna sé hjá Alþjóðagjaldeyrissjóðnum að beita einhverri slíkri „sjóðspólitík“ til að þrýsta á um aðgerðir stjórnvalda hér, fremur en að tala hreint út um hvar sjóðnum þyki pottur brotinn. „Stýrivextirnir eru hættulegt vopn, sem getur snúist í höndum manna,“ segir Þórður.

HÖGGVIÐ Á SKAÐLEG TENGSL

Í umræðum skuggabankastjórnarinnar áréttaði Ólafur Ísleifsson jafnframt þá skoðun sína að brýnt væri að taka upp viðræður við Evrópusambandið um samstarf í gjaldeyrismálum, enda kallaði endurneign efnahagslífsins á skýra stefnu um framtíðarskipan gjaldeyris- og peningamála. Þá benti hann jafnframt á að gaumgæfa þyrfti hugmyndir sem fram hafi komið um að breyta gjaldeyrislánum og verðtrygðum lánum yfir í óverðtrygð krónulán, um leið og þak yrði sett á vaxtagreiðslur þannig að vextir umfram þakið bættust aftan við höfuðstól. „Hugmyndir af þessu tagi ganga út á að höggva á tengsl efnahagsreikninga fyrirtækja og heimila við gengi og vísitölu. Ef ítarleg athugun leiddi í ljós að þessi leið væri fær yrði rutt úr vegi mikilvægri ástæðu til að stritast við að halda genginu frá því að leita enn frekar niður á við. Þar með mætti sleppa takinu á krónunni með gjaldeyrishöftum og hávöxtum og hverfa frá hvoru tveggja. Valin yrði markaðslausn í stað haftabúskapar og ríkisafskipta,“ segir hann.

SKUGGABANKASTJÓRN MARKAÐARINS

ÓLAFUR ÍSLEIFSSON

Markaðslausn, ekki höft og ríkisafskipti

Á vettvangi gjaldeyris- og peningamála standa tvö manna verk endurreisn efnahagslífs fyrir þrífum: Ofurvextir Seðlabanka 13% sem leiða til hærri útlánsvaxta en nokkur atvinnustarfsemi getur staðið undir. Gjalddeyrishöft sem draga efnahagslífið áratugi aftur í tímann og gætu fest sig í sessi eftir því sem þau eru hert oftar og standa lengur. Ákvörðun um stýrivexti þarf að styðjast við raunhæfar forsendur um þróun verðlags, horfur á gjalddeyrismarkaði og almenn skilyrði í þjóðarbúskapnum.

- Í mars, apríl og maí hefur árs-hækkun verðlags undangengna þrjá mánuði verið á bilinu 7-10% þrátt fyrir nokkurt bakslag í liðnum mánuði.

- Gengi krónunnar ræðst á nær óvirkum markaði. Miðað við þróun gengisins virðist erfitt að koma augum á að hún lúti neinum skynsamlegum markaðslögmálum eða að öyggiandi samband ríki milli stýrivaxta og gengis krónunnar eins og peningastefnu Seðlabankans virðist hafa haft í huga á síðasta fundi sínum.
- Almenn skilyrði í þjóðarbúskapnum birtast í óviðunandi starfsskilyrðum fyrirtækja vegna óhófligs fjármagnskostnaðar og vaxandi atvinnuleysis.

Hvarvetna í nágrannalöndunum hafa seðlabankar beitt sér gegn kreppunni með lækku stýrivaxta sem liggja yfirleitt á bilinu 0-2%.

Í þessu ljósi er ekki ástæða til að hverfa frá markaðri stefnu á síðasta fundi skuggabankastjórnar um 3% lækku á stýrivöxtum Seðlabankans.

Viðráðar hafa verið hugmyndir um að breyta gjaldeyrislánunum og verðtrygðum lánunum yfir í óverðtrygð krónulán gegn því að slíkur flutningur ætti sér stað á lægri gengis- og neysluverðsísitölu en nú ríkir til að bæta fyrir hærri vexti en á eldri skuldbindingum. Samhliða yrði sett þak á vaxtagreiðslur þannig að vextir umfram þakið bættust aftan við höfuðstól. Hugmyndir af þessu tagi ganga út á að tjúfa tengsl efnahagsreikninga fyrirtækja og heimila við gengi og vísitölu. Ef ítarleg atvagn leiðir í ljós að þessi leið væri fær yrði rutt úr vegi mikilvægri ástæðu til að stritast við að halda genginu frá því að leita enn frekar niður á við. Þar með mætti sleppa takinu á krónunni með gjaldeyrishöftum og hávöxtum og hverfa frá hvoru tveggja. Valin yrði markaðslausn í stað haftabúskapar og ríkisafskipta.

Endurreisn efnahagslífsins kallar á skýra stefnu um framtíðarskipan gjaldeyris- og peningamála. Þess vegna er brýnt að taka upp viðræður við Evrópusambandið um samstarf í gjaldeyrisáttum á grundvelli fyrirhugaðrar úmsóknar um aðild að Evrópusambandinu.

Niðurstaða: 3,0 prósentustiga lækku



PÓRÐUR FRÍÐJÓNSSON

Óvissu þarf að eyða

Ég tel að lækka eigi stýrivexti um 2 prósentustig nú, úr 13% í 11%. Þetta er heldur hægra vaxtalækkuunarferli en ég lagði til í aðdraganda síðustu vaxtaákvörðunar í byrjun maí. Að baka liggur einkum að verðlagsþróun að undanförmu hefur verið óhagstæðari en reiknað hafði verið með. Við bætist að nokkur óvissa ríkir í kjaramálum og stefnan í ríkisfjármálum til næstu ára liggur enn ekki fyrir. Þessi atriði valda því að ég tel ástæðu til að fara heldur hægar í vaxtalækkanir um sinn eða þar til umræddri óvissu hefur verið eytt.

Þetta er engu að síður umtalsverð lækku enda engin ástæða til að fara á taugum þótt ein vísitölu-mæling sýni óvenjumikla hækkun, ekki sist með tilliti til þess að aðferðarfræðin varðandi húsnæðisverðið í mælingunni var svo sannarlega umdeilanleg. Að minnu viti styðja öll skynsamleg hagræn rök hraða lækku stýrivaxta á næstunni. Þótt vísitölu-mælingin hafi valdið vonbrigðum eru grundvallaratriðin í stöðu og horfum í þjóðarbúskapnum þau sömu og áður – og öll á þá lund að lækka eigi stýrivexti hratt niður í eins stafs tölu. Þannig hafa útgjöld þjóðarbúsins dregist stórlega saman, umtalsverður afgangur af vöruskiptajöfnuði, atvinnuleysi er meira en nokkur sinni áður og engar vísbendingar eru um hættu á þenslu á ný. Þá eru stýrivextir ekki í neinu eðlilegu samhengi við aðra vexti. Í því sambandi má benda á að vextir af ríkisvixlum eru innan við 6% og vextir í öðrum hávaxtalöndum eru miklu lægri en hér á landi.

Einu efnislegu rökin fyrir lítilli eða jafnvel engri breytingu á stýrivöxtum nú, eins og IMF virðist hallast að, snúa að því að treysta gengi krónunnar. Ég tel reyndar alveg eins líklegt að þetta séu sýndarrök því að minnu viti er ósennilegt að stýrivextirnir hafi nokkuð með traust á krónunni að gera við núverandi aðstæður. Þarna kunnir því ef til vill fremur að liggja að baki að halda mönnum við efnid, þ.e. hvetja menn meðal annars til að ljúka við gerð ríkisfjármálastefnunnar, koma bönkunum betur í gang og binda tryggjar um hnúta í kjaramálum. Ég er ekki viss um að það sé rétta leiðin – ef svo er.

Niðurstaða: 2,0 prósentustiga lækku



INGÓLFUR BENDER

Deilir ekki áhyggjum AGS

Frá síðustu vaxtaákvörðun hefur gengið gefið nokkuð eftir, verðbólgan verið umfram væntingar og aðhaldið í ríkisfjármálunum látið bíða eftir sér. Þróunin hefur engu að síður verið í rétta átt. Verðbólga hefur verið að lækka og gengi krónunnar sem var búið að gefa nokkuð riflega eftir á tímabili hefur verið að koma til baka undanfarna daga og stendur nú um 2% lægri en við síðustu vaxtaákvörðun í maíbyrjun. Fyrstu skrefin í auknu aðhaldi í ríkisfjármálum hafa síðan verið stigin en í síðustu viku hækkaði ríkisstjórnin óbeina skatta.

Aukið aðhald í ríkisfjármálum gefur svigrúm til slökunar í peningamálum. Afar mikilvægt er að ríkisstjórnin komi fram með áætlun um með hvaða hætti hún ætlar að loka fjárlagagatinu á næstu misserum og byrja að greiða upp skuldir. Slíkt hjálpar til við að ná stöðugleika að nýju og er ein af forsendum þess að hægt sé að lækka vexti umtalsvert. Hæðagangur stjórnvalda í þessum efnum dregur úr þeim hraða sem hægt er að lækka stýrivexti Seðlabankans. Það er því afar brýnt að stjórnvöld hraði þessu verki.

Alþjóðgjalddeyrisjóðurnir lýsti þeirri skoðun sinni í síðustu viku að frekari lækku vaxta nú væri áhættusöm m.a. vegna þess að góð áhrif af stýrivaxtalækku á fjárhagslega stöðu fyrirtækja og heimila yrðu ekki vegin upp af neikvæðum áhrifum gengislækku. Undir gjaldeyrishöftum eru áhrif stýrivaxtalækku á gengisþróun krónunnar afar takmörkuð þó að þau séu til staðar. Líkur eru á að gjaldeyrishöftin verði hér um sinn og í kerfi þar sem eina fjármagnid sem er að hafa er innlent hafa stýrivextir bankans talsverð áhrif á fjármögnunarkostnað. Ég hef því ekki sömu áhyggjur og AGS um að vaxtalækku um þessar mundir væri áhættusöm aðgerð.

Eftirspurn í hagkerfinu hefur verið að gefa enn frekar eftir og enn eykst samdrátturinn í nálægum ríkjum. Atvinnuleysi eykst enn og lítil sem enginn verðbólguþrýstingur að koma úr raunhagkerfinu.

Í ljósi ofangreinds tel ég að forsendur séu fyrir því að lækka stýrivexti Seðlabankans nú um 2,5 prósentur þ.e. niður í 10,5%.

Niðurstaða: 2,5 prósentustiga lækku



SKUGGABANKASTJÓRNIN

Fund skuggabankastjórnar Markaðarins sátu að þessu sinni Ingólfur Bender, forstöðumaður Greiningar Íslandsbanka, Ólafur Ísleifsson, lektor við viðskiptadeild Háskólans í Reykjavík, og Þórður Friðjónsson, forstjóri Nasdaq OMX Iceland kauphallarinnar.



GLERÁRDALSHRINGURINN

24 TINDAR Á 24 KLST.

KYNNINGARFUNDUR

á morgun fimmtudaginn 4. júní kl. 20:00
í verslun 66° Norður Faxafeni 12

Glerárdalshringurinn er árlegur fjallgönguviðburður þar sem gengnir eru 24 tindar umhverfis Glerárdalinn á 24 klst.

Á fundinum mun Haraldur Sigurðarson (Halli) kynna leiðina, búnað, næringu og undirbúning auk þess að svara spurningum.

Allir áhugasamir velkomnir.



MARKAÐURINN

Sögurnar... tölurnar... fólkið...

Á morgun kemur í ljós hvort sjálfstæði Seðlabankans og peningastefnunefndar er á borði eða bara í orði.

Upplýsandi ákvörðun

Óli Kristján Ármannsson

Á morgun kynnis peningastefnunefnd Seðlabanka Íslands ákvörðun sína um stýrivexti. Ákvörðunin er um margt söguleg. Vöxtum var síðast breytt fyrir mánuði og peningastefnunefndin gaf út þá fyrirætlan sína að vextir yrðu lækkaðir umtalsvert við næstu ákvörðun, sem er á morgun, og í minni skrefum eftir það. Í millitíðinni hafa fulltrúar Alþjóðagjaldeyrissjóðsins stigið fram og lýst þeirri skoðun sjóðsins að Seðlabankinn sé á rangri leið í vaxtaákvörðunum sínum og að óheppi-legt hafi verið af peningastefnunefndinni að lýsa yfir fyrirætlan sinni við næstu ákvörðun, jafnvel þótt slegin hafi verið einhverjir var- naglar um að þróun hagstærða yrði að verða á þá lund að styddi við ákvörðunina.

Skuggabankastjórn Markaðarins fjallar um stýrivaxtaákvörðunina í blaðinu í dag og kveðst óssammála þeim sjónarmiðum sem Alþjóða- gjaldeyrissjóðurinn hefur sett fram um stefnuna í vaxtamálum. Sjóðurinn vill að hægt verði á lækkunarferlinu og kveður hátt vaxta- stig nauðsynlegt til þess að styðja við gengi krónunnar.

Mat skuggabankastjórnarinnar er hins vegar að hagfræðileg rök sjóðsins haldi ekki vatni í þessum efnunum. Verulegur vafi leiki á því að stýrivaxta- stigið hafi jafnmikil áhrif á gengi krón- unnar og Alþjóðagjaldeyrissjóðurinn vill vera láta. Háir vextir stuðli jafn- vel líka að veikingu krónunnar vegna hárra vaxtagreiðslna sem renna kunn- i landi.

Ef það er rétt sem skuggabankastjórnin vill meina að sjóðurinn reyni að beita stýrivöxtunum eins og svipu á stjórn- völd, sem dregið hafi lappirnar fram úr hófi við að klára verk sem kveðið er á um í samstarfsamningi ríkisins við Alþjóða- gjaldeyrissjóðinn, þá endurspeglast í því margvíslegur áfellsdómur. Ef það er rétt sem skuggabankastjórnin vill meina að sjóðurinn reyni að beita stýrivöxtunum eins og svipu á stjórn- völd, sem dregið hafi lappirnar fram úr hófi [...] þá endurspeglast í því margvíslegur áfellsdómur.

Auðvelt er því að álykta sem svo að sjálfstæði Seðlabankans sé bara í orði, en ekki á borði, fari peningastefnunefnd Seðlabankans eftir vilja Alþjóðagjaldeyrissjóðsins í ákvörðun sinni um stýrivexti á morgun og taki minna skref í ákvörðun sinni en áður hefur verið boðað, eða láti vexti jafnvel standa í stað. Þá er um leið áhyggjuefni að við stjórnvölinn sé fólk sem ekki hafi meiri skilning en svo á þeim viðfangsefnum sem hér er við að eiga að láta sé viðgangast mesta vaxtaþening sem þekk- ist í heiminum, og það í miðri efnahagskreppu. Tæpast getur talist traustvekjandi efnahagsstjórn að hafa hér vexti skrúfaða upp úr öllu valdi, meðan önnur lönd keppast við að halda þeim lágum í viðleitni til að örva hjá sér efnahagslífið.

Fyrirséð er að gjaldeyrishöft verði hér á landi enn um hríð og líkast til vænlegra til árangurs til að styðja við gengi krónunnar að byggja upp trú á efnahagsstjórninni með trúverðugri framtíðarstefnu í pen- ingamálum. Er þar nærtækast að hefja þegar viðræður við Evrópu- sambandið og Seðlabanka Evrópu um stuðning við krónuna og byggja þar bæði á aðildarviðræðum og gildandi samningi um Evrópska efnahagssvæðið. Á þetta benda bæði Ólafur Ísleifsson lektor og Baldur Pétursson, aðstoðarframkvæmdastjóri EBRD, í blaðinu í dag.



SITJANDI SEÐLABANKASTJÓRI Ný ríkisstjórn fól Norðmanninum Svein Harald Øygard að stýra seðlabankaskútunni meðan leitað yrði að nýjum seðlabankastjórum. Sérstök valnefnd forsætisráðherra hefur nú lagt mat á hæfi þeirra sem sóttu um. MARKAÐURINN/ANTON

Leitin að nýjum seðlabankastjóra

ORD Í BELG

Ólafur Ísleifsson
lektor við
viðskiptadeild
Háskólans í
Reykjavík.



Valnefnd skipuð af forsætisráð- herra hefur metið tvo menn mjög vel hæfa til að gegna stöðu seðla- bankastjóra og þrjá menn mjög vel hæfa til að gegna stöðu aðstoðarbankastjóra. Valnefndin er skipuð á grundvelli nýrra laga um Seðlabankann og er henni ætlað að tryggja að forsætis- ráðherra hafi glögggt yfirlit um hæfni umsækjenda þegar hún skipar í stöðurnar. Bankastjóri Seðlabanka Íslands er fremsti embættismaður landsins á sviði gjaldeyriss- og peningamála. Sem slíkur er hann fulltrúi og mál- svari íslensks fjármálablífs á er- lendri grundu.

Valnefndina skipa þrjú ein- staklingar, tveir hagfræðingar og einn lögfræðingur. Banka- ráð Seðlabanka Íslands tilnefndi tvo lögfræðinga í valnefndina til að meta menntun í hagfræði og þekkingu á efnahags- og fjár- málum. Annar lögfræðingurinn er hæstaréttarlögmaður, hinn fyrrum ráðherra og alþingismað- ur. Lögmaðurinn var skipaður í nefndina. Í erindisbréfi valnefndar var henni falið að leggja fimm þætti til grundvallar við mat á hæfni um- sækjenda. Þættirnir eru þessir:

1. Menntun.
2. Starfsferill.
3. Reynsla og þekking á fjármála- starfsemi og efnahags- og peningamálum.
4. Stjórnunarhæfileikar.
5. Hæfni í mannlegum samskiptum.

Ekki hefur komið fram opin- berlega hvernig niðurstaða val- nefndar um þá sem teljast mjög vel hæfir til að gegna umræddum stöðum er grundvölluð á hinum einstöku þáttum, sem nefndinni er gert að miða við.

Ekki er getið um að af hálfu valnefndar hafi verið tekin viðtöl við umsækjendur til að meta þann þátt sem helst verður að telja óhlutbundinn, þ.e. hæfni í mann- legum samskiptum. Kemur á óvart ef svo er ekki, svo nauðsyn- leg sem slík viðtöl eru nú almennt talin áður en umsækjendum er ráðað í hæfnisröð.

Annar þeirra tveggja sem met- inn er mjög vel hæfur til að gegna stöðu bankastjóra er jafnframt metinn mjög vel hæfur til að gegna stöðu aðstoðarbankastjóra. Athygli vekur að tveir umsækj- endur sem sóttu um báðar stöð- urnar eru metnir mjög vel hæfir til að gegna stöðu aðstoðarbanka- stjóra en er ekki skipað í efsta flokk í hæfni til að gegna stöðu aðalbankastjóra. Í lögum eru þó gerðar sömu hæfniskröfur um báðar stöðurnar.

Meginályktunin af niður- stöðu valnefndar sýnist vera að til

að teljast mjög vel hæfur í starf bankastjóra þurfi umsækjandi að hafa gegnt stöðu aðalhafgræðings Seðlabanka Íslands og þar með haft með höndum lykilhlutverk við mótn þeirrar peningamála- stefnu sem framkvæmd var fram að hruninu á liðnu hausti með kunnun afleiðingum. Önnur reynsla í bankanum og af ábyrgð- arstöðum á fjármálamarkaði nægir með öðru til að vera talinn mjög vel hæfur aðstoðarbanka- stjóri en ekki mjög vel hæfur sem aðalbankastjóri.

Önnur ályktun af niðurstöðu valnefndar er að ekki nægir að vera háskólamaður í fremstu röð til að teljast mjög vel hæfur til að gegna stöðu bankastjóra Seðlabankans. Í Bandaríkjun- um var háskólaþróffessorinn Ben Bernanke skipaður í bankastjórn bandaríska seðlabankans 2002 og gerður að formanni bankastjórnar 2006 eftir að hafa verið háskóla- kennari allar götur frá 1979.

Af fréttaskrifum sumra virt-ustu fjölmiðla landsins virðist gert ráð fyrir að við endanlegt val í bankastjórnastöðurnar muni pólitísk tengsl einstakra um- sækjenda við ríkisstjórnarflokk- ana vega þungt. Sýnist Nýja Ís- land samkvæmt þessari umfjöll- un fjölmiðla eiga nokkuð í land ef skipun í opinber embætti á að ráðast af því hvernig náðar- sól stjórnmalaflokkanna skín á einstaka menn. Samt hefur þjóð- in gefið sterkt til kynna að hún ætlist til að um skipun banka- stjóra Seðlabanka Íslands ríki al- menn sát og að skipunin sé reist á traustum faglegum grunni.

VIKULEG VEFRÁÐ Í BODI ALLRA ÁTTA

Leitið og þér munið finna?

Netverjar lesa vefsíður með öðrum hætti en rit- mál. Þeir skanna síður og meta hvort þar sé að finna umbeðnar upplýsingar. Því þurfa vefstjórnar að fanga athygli gesta sinna við komuna og gefa þeim vonir um, að spurningum þeirra verði svarað á viðeigandi undirsíðum.

Flestir notendur koma inn á fyrirtækjasíðu í upplýsingaleit. Þeir skanna forsiðuna og slá á þann tengil, sem virðist líklegastur til að vísa á viðei- gandi upplýsingar. Þeir eru að flýta sér og vilja að- eins lesa nógu mikið til að komast að umbeðnum upplýsingum.

Því þarf að skipuleggja síðuna þannig, að not- andinn komist á áfangastað eins fljótt og kostur er. Forsíðan þarf nauðsynlega að hafa vel upp- setta tengla á helstu undirsíður, flokkaða eftir helstu efnisatriðum. Jafnframt þarf að hafa þar leitarmöguleika og örstutta kynningu á innihaldi

Jón Trausti Snorrason
framkvæmdastjóri
Allra Átta ehf.

www.8.is

vefsíðunnar. Með þetta í huga þarf forsiðan að vera auðskilin, einföld og vel skipulögð. Óþarfa litadýrð, mælskuæfingar, hreyfimyndir eða aug- lýsingar beina sjónum notenda frá þeim upplýs- ingum, sem þeir þurfa á að halda til að komast á áfangastað.

Notendur verða að geta fylgt tenglunum nánast umhugsunarlaust. Í hvert skipti, sem þeir þurfa að stöðva för til að hugsa, aukast líkur á að þeir fari á aðra síðu.

Forsíðan er lykill vefsíðunnar og mælistika á gæði hennar. Ef notendum líkar ekki við hana við fyrstu kynni, fara þeir annað.

Hringdu í síma

512 50 60

ef blaðið berst ekki





ÓDÝRT
SUMARFRI
MED
NORRÆNU

MÆR DÁMAR SO VÆL AT SIGLA VIÐ NORRÖNU

MÉR LÍKAR SVO VEL AÐ SIGLA MED NORRÆNU



BROTTFÖR TIL FÆREYJA OG DANMERKUR ER Á FIMMTUDÖGUM Í SUMAR

Sigt er á fimmtudögum
frá 18. júní til 27. ágúst.

Ef fjölskyldan er að íhuga að gera eitthvað skemmtilegt í sumar þá ættuð þið að huga að því að skella ykkur með Norrænu. Það tekur aðeins 14.5 tíma að sigla til Færeyja og tæpa tvo sólahringa til Danmerkur. Í Norrænu er ýmislegt sem gerir dvölinu um borð ánægjulega. Þar er að finna þrjá veitingastaði, kaffiteríuna, Buffe veitingastað og Simmer Dim veitingastaðinn. Naustbarinn er mjög vinsæll til að sitja við og spjalla og svo Víkingaklúbburinn, næturklúbbur þar sem dansað er öll kvöld. Á sóldekkinu er einnig bar og kaffihús sem er opið þegar veður er gott. Góð fríhöfn er um borð þar sem allur algengur fríhafnarvarningur fæst. Einnig er sundlaug, sólbaðstofa, sauna og líkamsrækt fyrir farþega. Síðan er nýlegur bíósalur þar sem sýndar eru bíómyndir alla daga og öll kvöld. Barnaland hefur líka verið stækkað og er það nú mjög veglegt. Á leiðinni til Færeyja eða Danmerkur upplifir þú hversu hrifandi hátt Færeyjar rísa úr hafinu. Það er enginn staður á jörðinni líkur eyjunum. Stórfengleg fjöll og björg skera eyjarnar í kynleg mynstur. Á ferðalagi um Færeyjar eru endalausir litir, einstök birta og ilmur ásamt sérstöku dýralífi sem er skemmtilegt að sjá og heyra.

DANMÖRK

Njóttu danska vorsins eða sumarsins í notalegum akstri um Danmörku. Leigðu þér sumarhús eða gistu á einhverju af þeim fjöldamörgu tjaldsvæða sem eru í boði um alla Danmörku. Fyrir þá sem ætla að gista á tjaldsvæðum er gott að skoða tengla okkar á heimasíðu smyri-line.is

EVROPA

Frá Hanstholm í Danmörku er aðeins um 4ra tíma akstur til Flensborgar sem er við landamæri Þýskalands og Danmerkur. Þaðan er einfalt að aka til allra átta í Evrópu. Upplifð fjölbreytileika Evrópu, ferðist um rómantískar sögulegar borgir og farið á heimsklassa uppákomur og viðburði sem eru í boði á hverjum degi.

FÆREYJAR
17.000

Verð frá kr. 17.000 á mann m.v. fjóra í svefnpokaþléssi á miðannatímabili ásamt bíl aðra leið.
Verð frá kr. 22.300 m.v. tvo í svefnpokaþléssi á miðannatímabili ásamt bíl aðra leið.

DANMÖRK
32.000

Verð frá kr. 32.000 á mann m.v. fjóra í 4m. klefa/inn á miðannatímabili ásamt bíl aðra leið.
Verð frá kr. 69.200 m.v. einn í 4m. klefa/inn á miðannatímabili ásamt bíl aðra leið.

AUSTFAR
Fjarðargötu 8 · 710 Seyðisfirði · Sími: 472 1111
austfar@smyril-line.is · www.smyril-line.is



Breytt áætlun Norrænu
skilar styttri siglingartíma
-sjá www.smyril-line.is



Smyril Line Island
NORRÆNA
FERÐASKRIFSTOFAN
Stangarhyl 1 · 110 Reykjavík · Sími: 570 8600
Fax: 552 9450 · info@smyril-line.is
www.smyril-line.is



BANKHÓLFID



Íslensk framleiðsla


Hærri álögur hins opinbera á eigendur ökutækja í gegnum bensinskattinn í síðustu viku gætu ýtt undir framleiðslu á innlendu eldsneyti. Gjöldin ná einungis til innflutnings á jarðgasi, svo sem bensíns og dísilolíu, en ekki metanóls, vetnis, raforku og fleiri nýjunga sem knúð geta ökutæki. Tiltölulega einfalt mál er að breyta bensínþil og gera hann metan- og vetnisfæran, kostnaðurinn gæti legið nokkuð undir fimmtíu þúsund krónum. Þegar þetta er ritað liggur ekki fyrir hverjir stefni á íslenska eldsneytisframleiðslu á næstunni né hvaða fyrirtæki geta framleitt meira en sem svarar til nokkurra vatnsglasa af eldsneytinu á viku. Hvað sem öllu líður sjá bjart-sýnismenn sem sjá fram á bjartari tíma í öllu svartnætti að úr hremmingunum hér geti komið Íslendingar á umhverfisvænni ökutækjum en fyrir kreppu.

Frumlegir Færeyingar

Færeysku fyrirtækin sem skráð eru á markað í Kauphöllina hér héldu fjárfestabing í gær þar sem þau kynntu starfsemi sína og afkomu upp á síðkastið. Þingið var vel sótt og góður rómur gerður að því. Upplýsingamappa með gögnum um færeysku fyrirtæk-in sló sérstaklega í gegn. Eins og flestir vita eru upplýsingamöppur fremur sterilar og leiðinlegar, yfirleitt úr plasti eða leðri og enda oftast en ekki undir haug af rusli áður en Sorpa tekur við. Þessi var hins vegar handgerð úr ull eftir færeyska handverkskonu. Vægt til orða tekið var þetta snilldarverk, sem sjaldan ef nokkurn tíma hefur sést á kynningarfundum hér á landi.

Stífara gagnast betur

Og aftur að möppunni. Einn þeirra sem handléku möppu Markaðarins sagði þetta furðusmíði enda handverkið afar gott og hönnunin frumleg. Sumir sáu strax að setja má gögn inn í möppuna og rúlla henni upp á alla kanta. Annar sem handlék þetta færeyska furðuverk sagði það sem aðrir töldu kost hinn mesta galla. Ábendingin var með þessum orðum: „Þetta er ágætt. En ef það væri harðara myndi það virka almennilega.“ Við svo búið áttaði viðkomandi sig á þeirri freudisku hálfu sem hann rann á þegar átt var við að upp-rúlluð mappa gæti eyðilaggt geisla-diska og aðrar gagnageymslur og því væri betra að hafa hart spjald innan í ullinni.



OLYMPUS
FÓKUS Á GÆÐI OG GOTT VERÐ

25 milljónir dala, eða nálægt þremur milljörðum króna, runnu á einu ári til Gisele Bündchen, tekju-hæstu fyrirsætu heims, frá byrjun júní í fyrra til má-loka nú, samkvæmt samantekt Forbes. Upphæðin er tíu milljónum dala lægri en árið áður.

19,7 milljónir punda, eða nærri fjórir milljarðar króna, runnu til starfsmanna breska fjár-málaeftirlitsins í fyrra í formi launabónusa. Greiðslan er fyrir að hafa staðið vaktina í hremmingum fjármákerfis heimsins.

5,2 prósent af eignarhlut Stoða í Royal Unibrew komust í síðustu viku í eigu Straums. Stoðir eiga enn 16,3 prósent í brugghúsinu, en saman eiga félögin 21,6 prósent.

Með leyfi AVALON PROMOTIONS & LIBERTY BELL
GRUMPY OLD WOMEN LIVE

Björk



Helga



Edda



Fúlar á Mót!

Í Íslensku Óperunni

Þrjár fyndnustu leikkonur landsins saman á sviðinu!



„Edda er meistari sem unun er að sjá og heyra. Ég hef lengi dáðst að „replikkunni“ hennar Eddu, hvað hún er flink við að skjóta tilsvörumum beint í mark; það eitt að heyra hana spýta bröndurumum út í salinn er leikhús-ferðarinnar virði.“ JVJ DV

„Mér fannst allar leikkonurnar fyndnar - en ég hló mest af Björk - hún er æðislega fyndin!“ Róbert Gíslason - áhorfandi

„Þær Helga Braga og Edda eru gamanleikarar af guðs náð; eitt bros hér og mjaðmahnykkur þar segir stundum meira en þúsund orð.“ Mbl.

„Engin keðja er sterkari en veikasti hlekkurinn og hér eru þeir allir traustir. Allar þrjár verulega Fúlar á mót!“ S. Mbl.

MIDASALA Í SÍMA 511 4200 Á WWW.MIDI.IS OG Á WWW.OPERA.IS



FLUGFÉLAG ÍSLANDS



OLYMPUS
MEÐ ALLT INN Í MYNDINNI

OLYMPUS FE 45

- 10 milljón pixlar
- 3x aðráttarlinsa (36-108mm)
- Stór 6,4cm (2,5") LCD skjár
- Sérlega einföld og þægileg í notkun
- 16 handhægar tókustillingar
- Face Detection til að ná góðum andlitsmyndum
- Videoupptaka með hljóði
- Tekur xD og SD Micro - minnskort
- Tekur nærmyndir niður að 5cm fjarlægð
- Þrír litir: Blá, svört og gull

VERÐ: 18.900 KR.



OLYMPUS FE 5000

- 10 milljón pixlar
- 5x aðráttarlinsa (36-180mm)
- Stór 6,9cm (2,7") LCD skjár
- Sérlega einföld og þægileg í notkun
- 14 handhægar tókustillingar
- Face Detection til að ná góðum andlitsmyndum
- Videoupptaka með hljóði
- Tekur XD og Micro SD minnskort
- Tekur nærmyndir niður að 5cm fjarlægð
- Lithium hleðslurafhlaða og hleðslutæki fylgir
- Tveir litir: Svört og gull

VERÐ: 29.900 KR.

Frábærar
nýjar myndavélar
frá **OLYMPUS**

ORMSSON

SÍÐUMÚLI 9 · SÍMI: 530 2800 // SMÁRALIND · SÍMI: 530 2900
VERSLANIR OG UMBOÐSMENN UM LAND ALLT

VELDU VANDAÐ – ÞAÐ BORGAR SIG ALLTAF

3ja
ára
abyrgð